

義烏縣志

卷五
至卷八

周開司馬耕有若巫馬施顏辛曹卹公孫曹

高壤駒石作蜀公夏首后處奚容蒧類祖句井

亦祖縣成公祖句茲燕叔樂欬狄黑孔忠公西

蒧類之傑施之常秦非申棖類澮以上俱東廡

齊公治長公誓哀高樂樊頊公西赤築鱧冉孺伯虔

冉李漆彫徒父漆彫哆商澤任不齊公良孺公肩定

鄔單罕父黑榮祈左人郢鄭國原亢廡柴叔仲會

公西輿如邾巽以亢琴張步叔來以上俱西廡

春秋以來諸儒 穀梁赤高堂生毛澄杜子春韓愈程
穎邵雍司 試許衡正統元年

進胡安國弘治九年進楊旺嘉靖九年進后恭陸九

淵俱東廡 舊有先賢顏何先儒荀况劉向王肅杜

預今黜鄭象盧植服虔今改祀于 左丘明公羊高

卿先賢曾點孔鯉改入啓聖祠 伏勝孔安國周

敦頤張載程頤朱熹呂祖謙洪武二十九年進董仲

舒正統元年進蔡沉真德秀嘉 九年進王通歐陽

修胡瑗隆慶五年進薛瑄萬曆十一年進土守仁陳

敲章胡居仁供西廡 舊有先賢公伯寮秦冉先儒

戴聖賈逵馬融何休王弼今黜遵伯玉林放鄭玄范
甯吳澄改祀于鄉顏無繇改入啓聖祠中黨即申振

今歲以春秋仲月上丁日致祭祭器凡五百四十九

件銅香炉一銅花瓶二小銅香炉四銅爵盃一百四
十登六銅二十十八盞一百四十五豆一百四十簋三

十二盞三十二俎卓四張石香炉四十舊缺教
諭王汝源申知縣俞士章各捐俸更置貯儒學樂舞

國初頒有定式成化十二年增為八份嘉靖九年改用六份今本縣樂器無考止用

鼓吹凡祭先師用帛一羊一豕一爵三登一銅二簋

二簋二盞八豆八四配共用羊一豕一各帛一爵三

登一銅二簋一盞一盞六豆六十哲共用帛二豕一

各爵一銅一簋一盞一盞四豆四兩廡每廡共用帛

一豕一每壇爵四簋盞各一盞豆各四鬮廟共四

一兔十餘品有差每祭共用銀貳拾肆兩肆錢伍厘
禮儀具如儀注其祝辭云惟師德配天地道冠古今
刪述六經垂憲萬世謹以牲帛醴齊粢盛庶品祇奉
舊章式陳明薦以復聖顏子宗聖曾子述聖子思子
亞聖孟子配尚享其月朔釋菜禮並見儀注先是

國初仍先代封爵孔子稱大成至聖文宣王肖像服袞
冕四配稱公十哲及從祀先賢俱稱侯先儒俱稱伯

嘉靖庚寅始用輔臣言整正禮制爵改王而為師神

易象而為主先賢先儒並係姓而稱子增進位次及
籩豆樂舞損益有差誠萬世不刊之典矣

啓聖公祠

國朝嘉靖九年始用程敏政議令天下學校各建啓聖
公祠以祀孔子父叔梁紇稱啓聖公孔氏之位又以
顏子曾子坐於堂上而顏子之父路曾子之父點乃
在廡下及孔鯉孟孫氏俱無祭亦非推尊所生之義
乃以配享稱先賢某氏之位及程子父珦朱子父松
蔡沉父元定從祀稱先儒某氏之位萬曆丙申以周

子父輔成增入從祀舊以先丁一日行禮今舉行
有事于先師則先釋菜為祭品視十哲用羊一豕二
帛三登一鉶二簋簠各一籩豆各六每祭用銀伍兩
伍錢伍分

祝文惟公誕生至聖為萬世王者之師功德顯著

茲因仲秋特用致祭以某氏配尚享

名宦祠

祀本縣宦茲土而有恩澤者民不能忘故例得尸祝
元以前不可攷今所祀者

國朝王允誠張永誠吳佑李玉劉同凡五人其祀用羊
一豕一爵三帛一共用銀壹兩捌錢玖分捌厘其祝
文云諸公宦歷一方名垂百世澤及斯民遺思弗替
其等忝職茲邦景仰先哲今當仲秋謹具牲醴庶品
用伸常祭尚饗

按志祀者尚多然感德於生前易留愛於沒後
難間有二二治行表著功德爛然於時而莫為之
馬請俾得躋於俎豆之列君子以是知斯祠之有遺典也

鄉賢祠

祀本邑鄉先達之賢者即古鄉先生沒而祀諸社之

遺意也舊所祀者

秦孝子顏烏宋孝子樓蘊宋留守宗澤侍郎徐僑左
司朱元龍提刑康植名儒葉由庚元學士黃潛名儒
朱震亨 國朝待制王禕都給事龔泰侍講學士樓
璉大理寺卿龔永吉中書舍人王汝節推謝懌凡十
五人萬曆十四年知縣俞士英申請附入金洎虞守
愚二十二年知縣周士英申請附入黃宗輔獲三人
其祀亦用羊一豕一爵三帛一共每祭用銀壹兩捌
錢玖分捌厘其祝文云仰惟諸公挺生烏邑學有淵

源宦歷先後志孝克全仰垂當世德啓后賢茲當仲

秋牲醴豆籩用崇德業如日中天尚饗

按右所祀先賢誠斌斌盛矣然間有竭忠宜猷斌
節勵行素著鄉評而無貴交碩胤為之表章卒就
黜黜以沒曾不得分席于俎豆
之榮尚為缺典識者有遺慨焉

社稷壇

社以祭土稷以祭穀即古者春祈秋報方社先農之

祭也唐制無考宋壇在縣西一里三百四十步大觀

三年知縣徐秉哲徙縣北一百八十步元大德十年

縣丞鄭應徙於金華門外一百步

國朝洪武十一年知縣孔克源始遵制即元舊址建壇

其制東西南北各二丈五尺高三尺四出陛各三級

壇下前九丈五尺東西南各五丈立石主長二尺五

寸方一尺埋壇南正東去壇二尺五寸止露圓尖餘

埋土中祭以木為神牌二縣社之神縣稷之神歲以

春秋仲月上戊日致祭用羊二豕二帛二爵三登一

釶二籩豆各四簋籃各二樂用鼓吹惟長官一員祭

服行三獻禮餘官止陪祭祝又昭告于某神曰品物

資生烝民乃粒養育之功司土是賴惟茲仲春禮宜

告祀謹以牲帛醴齊粢盛庶品式陳明薦尚享祭畢
焚祝帛坎中以土實坎藏主於房本縣每祭實用銀
柒兩叁錢捌分伍厘

山川壇

祀境內山川及風雲雷雨唐制無考宋與社稷為一
後另立風師壇雷雨師壇元址在金華門外一百步
國朝洪武初始以山川與社稷分祀後以風雲雷雨并
成隍人祭壇一
為風雲雷雨之神左為
境內山川之神
詳七下知縣張永誠誌

壇址於縣南四里十一年知縣孔克源改建壇歲
春秋仲月上巳日致祭用羊三豕三帛七爵三登一
鉶二籩豆各四簠簋各二樂用鼓吹儀注與社稷同
惟祝詞改云惟神妙用神機生育萬物奠我民居足
我民食其等欽承

上命忝職茲土今當仲春秋謹具牲醴庶品用申常祭尚
享本縣每祭用銀壹拾壹兩壹錢壹分伍厘

邑厲壇

祀無祀鬼神唐宋無考

國朝洪武三年始定於宋社稷壇故址去縣北一百八十步今城隍廟後歲以春清明日秋七月十五日冬十月朔日先期牒告城隍屆期迎城隍神位於壇以為主傍列無祀鬼神分男女東西致祭用羊三豕三果四羹飯餘品寘衣數百具祭文某年某月日某縣官某遵奉禮部劄付為祭祀本縣闔境無祀鬼神等衆事該欽奉

皇帝聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之

衆必立君以主之君總其大又設官分職於府州以各長之各府州縣又於每一百戶內設一里長以綱領之上下之職綱紀不紊此治人之法如此

天子祭

天地神祇及天下山川王國各府州縣祭境內山川及社稷神祇庶民祭其祖先及里社土穀之神上下之禮各有等第此祀神之道如此尚念冥冥之中無祀鬼神昔為生民未知何故而歿其間有遭兵刃而橫傷者有死於水火盜賊者有被人取財而逼死者有

被人強奪而妻妾死者有遭刑禍而負屈死者有天
災流行而疫死者有為猛獸毒蟲所害者有為饑饉
凍死者有因戰鬪而殞身者有因危急而自縊者有
因墻屋傾墮而壓死者有死後無子孫者此等鬼魂
或終於前代或沒於近世或兵戈擾攘流移於他鄉
或人烟斷絕久缺其祭祀姓名泯沒於一時祀典無
聞而不載此等孤魂死無所依精鬼未散結為陰靈
或倚草附木或作為妖怪悲號於星月之下呻吟於
風雨之時凡遇人間節令心思陽世魂杳杳無歸

身墮沉淪意懸懸而望祭興言及此憐其慘悽故

天下有司依時享祭在京都有泰厲之祭在王國有

國厲之祭在各府州有郡厲之祭在各縣有邑厲之

祭在一里又各有鄉厲之祭期於神依人而血食人

敬神而知禮仍命本處城隍以主此祭欽奉如此今

某等不敢有違謹設壇於城北

三月清明日七月十五日十月一日置

備牲醴羹飯專祭本縣合境無祀鬼神衆等靈其不

昧永享此祭凡我一縣境內人民儻有忤違不孝不

敬六親者有姦盜詐偽不畏公法者有拘曲作直欺

歷良善者有躲避差徭虧損貧戶者似此頑惡姦邪
不良之徒神必報於城隍發露其事使遭官府輕則
笞決杖斷不得號為良民重則徒流絞斬不得生還
鄉里若事未發露必遭陰譴僕舉家並染瘟疫六畜
田蚕不利如有孝順父母和睦親族畏懼官府遵守
禮法不作非為良善正直之人神必達之城隍陰加
護佑使其家道安和農事順序父母妻子保寧鄉里
我等闔府官吏等如有上欺

朝廷下枉良善貪財作弊蠹政害民者靈必無私一體